

ՓԻԼԻՊՊՈՍ ԿԱԹՈՂԻԿՈՍ . — ՌՃԲ = 1653, ՆՈՅԵՄ . 5 .

(Աւարե ի Լով գՅովնան վ . և արքեպիսկոպոս՝ ի Նոշիրակ և քարոզիչ խաղաղոչքեան) :

Է՛



Ի ՍՈՒՍԻ Քրիստոսի ծառայ Փիլիպպոս կաթողիկոս ամենայն Հայոց եւ պատրիարք Վաղարշապատու, վերնադիտակ և յադինասարաս, տիրանկար և գերապայծառ, վեհափառ և հրեշտակապար, լուսակառոյց և քրիստոսամատոյց սրբոյ աթոռոյ Էջմիածնի . Յորմէ ժամանեալ հասցէ զիր աւրհնութեան և նամակ պահպանութեան, շնորհք առաքելական և աստուածային աւրհնութիւն ի վերայ տիրապահ քաղաքիդ Իլովայ, եկեղեցեաց, քահանայից, խոհեմամիտ և ուղղագործ դատաւորաց, մեծապատիւ և իշխանաշուք պարոն երեսփոխանաց . բարեփառ և ուղղադաւան ժողովրդոց, արանց և կանանց, ծերոց և տղայոց, երիտասարդաց և կուսից, և ամենայն շափու հասակի հաւատացելոց ի Տէր, մեծամեծաց և փոքունց . ամէն : Շնորհք ընդ ձեզ և խաղաղութիւն յԱստուծոյ Հօրէ մերմէ և ի Տեառնէ Յիսուսէ Քրիստոսէ . և ի Հոգւոյն Սրբոյ կենարարէ և յառատաձիր բարերարէ և ամենագոր մարդասիրէ և կենսաբաշխ պարգեւատուէ . ամէն : Աւրհնեսցէ զձեզ Տէր Աստուած մեր և զարդարեսցէ հոգւով և մարմնով, տամբք և տեղօք, զարմօք և զաւակօք, որդովք և դստերօք, սիրելիօք և բարեկամօք, ընչիւք և ապրանօք, և ամենայն գոյականօք . ամէն :

Ընդ սիրոյ աւրհնութեանս յուշ լիցի վերոյ գրեալ հոգեւոր սիրելեաց մերոց հարազատ որդոց Ս . Լուսաւորչին . զի ըստ սրբազան առաքելոյն Պօղոսի՝ որ ասէ, Հոգք ամենայն եկեղեցեաց ի վերայ իմ կայ . և զկնի, Ո՞ հիւանդանայ, և ես ոչ հիւանդանամ . առ մեզ տեսանի, սակս առ մեզ յանձին եղեալ եկեղեցեաց . մանաւանդ վասն ձեր . զի յօրէ յօրմէ հետէ դաւանագոյն վիշտդ այդ պատահեալ է ձեզ, որպէս ծածկագիտին յայտնի է, զտիւ և զգիշեր անհանգիստ կամք, և միշտ աղէկիզիմք և տոչորիմք վասն ձեր . և ուստեք ճարակ ոչ գտանեմք . վասն այն յուսահատեալ և տարակուսեալ մնամք, ըստ Իմաստնոյն բանի՝ որ ասէ, Երկար հիւանդութիւն ձանձրացուցանէ ըզ-